

ერთი მხრივ, შპს „საქართველოს მელიორაცია“ (მის: თბილისი, გ. გულუას ქუჩა №6), წარმოდგენილი - მისი გენერალური დირექტორის ოთარ შამუგიას სახით (შემდგომში "შემსყიდველი") და მეორე მხრივ, შპს „იო-სება“ (იურიდიული მის: ქ. თბილისი, ყ. შარტავას ქ., N14ა, ბ. 5) წარმოდგენილი - მისი დირექტორის სოსო ქავთარაძის სახით (შემდგომში "მიმწოდებელი"), ვდებთ წინამდებარე ხელშეკრულებას შემდეგზე:

"სახელმწიფო შესყიდვების შესახებ" საქართველოს კანონისა და სახელმწიფო შესყიდვების სააგენტოს თავმჯდომარის 14.06.2017წ. N12 ბრძანებით დამტკიცებული „ელექტრონული ტენდერის ჩატარების წესი“-ს მოთხოვნათა შესაბამისად, შემსყიდველმა გამოაცხადა ელექტრონული ტენდერი (აუქციონის გარეშე) **ლაგოდეხის სარწყავი სისტემის მაგისტრალური არხის მონაკვეთის (პკ5+15+პკ10+59) რეაბილიტაციის (II ეტაპი) სამუშაოების** სახელმწიფო შესყიდვაზე, რომელშიც, სატენდერო კომისიის გადაწყვეტილებით, გამარჯვებულად მიჩნეულ იქნა მიმწოდებლის წინადადება შემდეგ თანხაზე: **269'999 (ორასამოცდაცხრა ათას ცხრასათხმოდცხრამეტი) ლარი დღგ-ს ჩათვლით** (შემდგომში "ხელშეკრულების ღირებულება").

1. ტერმინთა განმარტებები

- 1.1. "შემსყიდველი ორგანიზაცია" (შემდგომ "შემსყიდველი") ნიშნავს ორგანიზაციას, რომელიც ახორციელებს შესყიდვას.
- 1.2. "მიმწოდებელი" ნიშნავს პირს, რომელმაც მოიპოვა გამარჯვება შემსყიდველის მიერ გამოცხადებულ ტენდერში (NAT190001518).
- 1.3. "ხელშეკრულება სახელმწიფო შესყიდვის შესახებ" (შემდგომ "ხელშეკრულება") შემსყიდველსა და მიმწოდებელს შორის დადებული ხელშეკრულება, მასზე თანდართული, მიმწოდებლის მიერ, წინამდებარე ხელშეკრულების 1.2 პუნქტში მითითებული ტენდერისათვის, წარმოდგენილი, ყველა დოკუმენტით, კერძოდ:
 - 1.3.1. სამუშაოს ხარჯთაღრიცხვა (დანართი №1);
 - 1.3.2. ტექნიკური პირობა (ანოტაცია, განმარტებითი ბარათი, ტექნიკური სპეციფიკაცია, ნახაზები);
 - 1.3.3. ხელშეკრულების შესრულების უზრუნველყოფის საბანკო გარანტია.
- 1.4. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5. "დღე", "კვირა", "თვე" ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1. ხელშეკრულების საფუძველზე მიმწოდებელი კისრულობს ვალდებულებას, მიაწოდოს შემსყიდველს **ლაგოდეხის სარწყავი სისტემის მაგისტრალური არხის მონაკვეთის (პკ5+15+პკ10+59) რეაბილიტაციის (II ეტაპი) სამუშაოები** (შემდგომში "სამუშაო"), ხოლო შემსყიდველი კისრულობს ვალდებულებას, მიიღოს მოთხოვნილი სამუშაო და გადაიხადოს მისი ღირებულება ხელშეკრულებით გათვალისწინებული წესით.
- 2.2. შესყიდვის ობიექტის კლასიფიკატორის კოდი: 45200000; 45240000.
- 2.3. შესასრულებელი სამუშაო(ებ)ის კონკრეტული დასახელება, განზომილება, რაოდენობა და ერთეულის ფასი განისაზღვრება სამუშაოს ხარჯთაღრიცხვის შესაბამისად (დანართი №1).

3. ხელშეკრულების შესრულების კონტროლი

- 3.1. შემსყიდველი უფლებამოსილია ნებისმიერ ეტაპზე განახორციელოს მიმწოდებლის მიერ ნაკისრი ვალდებულებების შესრულების კონტროლი/ინსპექტირება.
- 3.2. შემსყიდველის მხრიდან ხელშეკრულების შესრულების კონტროლს/ინსპექტირებას ახორციელებენ: **მშენებლობის ზედამხედველობის სამსახურის წამყვანი სპეციალისტი გიორგი ბაკურაძე და/ან მშენებლობის ზედამხედველობის სამსახურის წამყვანი სპეციალისტი იულია მიქაშვილი** (შემდგომში „ინსპექტირების ჯგუფი“).
- 3.3. ინსპექტირების ჯგუფის ფუნქციები:
 - 3.3.1. ხელშეკრულებით გათვალისწინებული ვადების გაკონტროლება;
 - 3.3.2. შესრულებული სამუშაოს შესაბამისობის დადგენა ხელშეკრულებით გათვალისწინებულ მოთხოვნებთან;
 - 3.3.3. მიღება-ჩაბარების აქტის გაფორმებასთან დაკავშირებული მოქმედებების განხორციელება და შესრულებული სამუშაოს მიღების უზრუნველყოფა;
 - 3.3.4. მიმწოდებლის მიერ წარმოდგენილი სამუშაოების შესრულების გეგმა-გრაფიკის შეთანხმების პროცესში მონაწილეობის მიღება და ხელშეკრულებაზე დართვის მიზნით მიმწოდებელთან შეთანხმებული გეგმა-გრაფიკის შესყიდვების დეპარტამენტში გადაგზავნა, ხელშეკრულების მე-4 მუხლის 4.2 და 4.3 პუნქტების გათვალისწინებით.
- 3.4. მიმწოდებელი ვალდებულია საკუთარი ხარჯებით უზრუნველყოს შემსყიდველი კონტროლის/ინსპექტირების ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის/ინსპექტირების პროცესში გამოიყენებს საკუთარ ან მოწვეულ პერსონალს, მის შრომით ანაზღაურებას უზრუნველყოფს თავად შემსყიდველი.
- 3.5. ფარული სამუშაოების წარმოების შემთხვევაში, მიმწოდებელი ვალდებულია აღნიშნულის თაობაზე აცნობოს ინსპექტირების ჯგუფს და მათი დასწრების/თანხმობის გარეშე არ მიიყვანოს სამუშაოები იმ ეტაპზე, რის შემდეგაც შეუძლებელი იქნება ფარული სამუშაოების ხასიათისა და მოცულობის შეფასება.
- 3.6. მიმწოდებელი ვალდებულია საკუთარი ხარჯებით უზრუნველყოს კონტროლის/ინსპექტირების შედეგად გამოვლენილი ყველა დეფექტის/გაუმართაობის აღმოფხვრა და კონტროლის/ინსპექტირების ხელახლა განხორციელებასთან დაკავშირებული ხარჯების ანაზღაურება.
- 3.7. სამუშაოების მიმდინარეობაზე ინსპექტირების ჯგუფი კონტროლს/ინსპექტირებას აწარმოებს საქართველოს კანონმდებლობის, საპროექტო დოკუმენტაციის და ხელშეკრულების პირობების შესაბამისად, რომელთა დარღვევის შემთხვევაში შემსყიდველი უფლებამოსილია, შეაჩეროს სამუშაოების მიმდინარეობა და განახორციელოს ხელშეკრულებით და საქართველოს კანონმდებლობით გათვალისწინებული ზომები.
- 3.8. ხელშეკრულებით განსაზღვრული ვალდებულებ(ებ)ის შეუსრულებლობის ან არაჯეროვანი შესრულების შემთხვევაში, ინსპექტირების ჯგუფისა და მიმწოდებლის წარმომადგენლ(ებ)ის მონაწილეობით, ფორმდება შესაბამისი აქტი, სადაც დეტალურად აღიწერება ხელშეკრულებით განსაზღვრული ვალდებულებ(ებ)ის შეუსრულებლობის ან არაჯეროვანი შესრულების გარემოებები. თუ მიმწოდებლის წარმომადგენელი უარს აცხადებს მონაწილეობაზე ზემოაღნიშნული აქტის შედგენაში, მოცემული ფაქტი ფიქსირდება ამავე აქტში და იგი იწვევს იგივე სამართლებრივ შედეგებს, რასაც გამოიწვევდა მიმწოდებლის წარმომადგენლის მონაწილეობით შედგენილი აქტი. სამუშაოების არაჯეროვნად შესრულების შემთხვევაში, მიმწოდებელი ვალდებულია საკუთარი ხარჯებით დაუყოვნებლივ აღმოფხვრას დეფექტ(ებ)/გაუმართაობები, რომელთა ღირებულება მიმწოდებელს დამატებით არ აუნაზღაურდება.

4. სამუშაოს შესრულების ვადები და ადგილი

- 4.1. მიმწოდებელი ვალდებულია, ხელშეკრულებით გათვალისწინებული სამუშაო განახორციელოს ხელშეკრულების გაფორმებიდან **120 კალენდარულ დღეში (2019 წლის 22 აგვისტოს ჩათვლით)**.
- 4.2. მიმწოდებელი ვალდებულია, ხელშეკრულების გაფორმებიდან 10 სამუშაო დღის განმავლობაში უზრუნველყოს სამუშაოების შესრულების გეგმა-გრაფიკის წარდგენა და შემსყიდველთან შეთანხმება. გეგმა-გრაფიკი უნდა იყოს, როგორც ხაზოვანი, ასევე, თანხობრივი, თვეების ჭრილში. აღნიშნული გეგმა-გრაფიკი დაერთვება ხელშეკრულებას დანართად. შემსყიდველისათვის წარდგენილი გეგმა-გრაფიკით განსაზღვრული ვადები უნდა შეესაბამებოდეს ხელშეკრულებით განსაზღვრულ სამუშაოების დასრულების ვადას.
- 4.3. გეგმა-გრაფიკის დარღვევის შემთხვევაში, შემსყიდველის ავრთხილებს მიმწოდებელს და შესაძლებელია მოსთხოვოს და შეიტანოს განახლებული გეგმა-გრაფიკი, რომელშიც ნაჩვენებია უნდა იყოს თითოეული სამუშაოს ფაქტური პროგრესი და ის ზეგავლენა, რომელსაც ის იქონიებს დარჩენილი სამუშაოების ვადებზე და ღონისძიებების თანმიმდევრობაზე. განახლებული გეგმა-გრაფიკი მიმწოდებლის მხრიდან წარმოდგენილ უნდა იქნას მოთხოვნიდან 3 სამუშაო დღის ვადაში.
- 4.4. ერთზე მეტი გაფრთხილების მიცემის შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება და ამოქმედოს ხელშეკრულებით საამისოდ განსაზღვრული პირობები.
- 4.5. სავალდებულოა სამუშაოები წარმოებული იყოს ხელშეკრულებით გათვალისწინებული სამუშაოთა შესრულების გეგმა-გრაფიკის განუხრელი დაცვით, მაქსიმალურად უწყვეტ რეჟიმში.
- 4.6. სამუშაოების წარმოების ადგილია: ლაგოდეხის მუნიციპალიტეტი.
- 4.7. მიმწოდებელი ვალდებულია სამუშაოები შეასრულოს საქართველოს კანონმდებლობით გათვალისწინებული შესაბამისი სამშენებლო და გარემოსდაცვითი ნორმებისა და წესების დაცვით. საჭიროების შემთხვევაში ყველა ნებართვის, ლიცენზიის და სხვა უფლების მიმნიჭებელი დოკუმენტაციის მოპოვება ევალება მიმწოდებელს.

5. სამუშაოს მიღება-ჩაბარების წესი

- 5.1. მიმწოდებლის მიერ შემსყიდველისათვის შესრულებული სამუშაოს წარდგენა ხორციელდება სულ მცირე თვეში ერთხელ. მიმწოდებელი არ არის შეზღუდული საანგარიშო პერიოდში წარმოადგინოს რამდენიმე შესრულება.
- 5.2. შესრულებული სამუშაო ჩაითვლება მიღებულად მიღება-ჩაბარების აქტის (ფაქტობრივად შესრულებული სამუშაოების მოცულობების მიღების აქტი (ფორმა N2)) გაფორმებისა და საგადასახადო ანგარიშ-ფაქტურის დადასტურების შემდეგ.
- 5.3. ფარული სამუშაოების მიღება-ჩაბარებისათვის, აუცილებელია დაცული იყოს აღნიშნული ხელშეკრულების 3.5. პუნქტით განსაზღვრული პირობები.
- 5.4. მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოადგინოს შემსყიდველს შესრულებული სამუშაოს აქტი და საქართველოს კანონმდებლობით გათვალისწინებული შესაბამისი საგადასახადო დოკუმენტაცია.
- 5.5. მიღება-ჩაბარების აქტი დგება სამუშაოს (ან მისი ნაწილის) ყოველი მიწოდების დასრულების შემდეგ.
- 5.6. სამუშაოს მიღება და საბოლოო შემოწმება ხდება სამუშაოს შესრულების ადგილზე.
- 5.7. სამუშაოების დასრულებისას მიმწოდებლის მიერ შემსყიდველისათვის წარდგენილი ბოლო შესრულების ღირებულება უნდა შეადგენდეს არანაკლებ ხელშეკრულების ღირებულების 3%.
- 5.8. სამუშაოების საბოლოო მიღება-ჩაბარებისათვის დამატებით აუცილებელია მიმწოდებლის მიერ წარმოდგენილ იქნას სსიპ ლ. სამხარაულის სასამართლო ექსპერტიზის ეროვნული ბიუროს ან ნებისმიერი აკრედიტებული საექსპერტო ორგანიზაციის მიერ შედგენილი დასკვნა, რომლითაც დადასტურდება ფაქტობრივად შესრულებული სამუშაოების მოცულობა. ექსპერტიზის ხარჯების გაღება ევალება მიმწოდებელს.
- 5.9. სამუშაოების საბოლოო მიღება-ჩაბარება შემსყიდველის მხრიდან დასტურდება საამისოდ შექმნილი კომისიის მიერ, რომელიც ადგილზე ამოწმებს შესრულებული სამუშაოების შესაბამისობას ხელშეკრულების პირობებთან და საექსპერტო ორგანიზაციის მიერ შედგენილი დასკვნის წარმოდგენიდან 15 (თხუთმეტი) სამუშაო დღის ვადაში იღებს გადაწყვეტილებას სამუშაოს საბოლოო მიღება-ჩაბარების აქტის გაფორმების შესახებ;
- 5.10. სამუშაოს (ან მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას გონივრულ ვადაში საკუთარი ხარჯებით უზრუნველყოფს მიმწოდებელი.

6. ანგარიშსწორების პირობები და ვადები

- 6.1. ანგარიშსწორება განხორციელდება უნაღდო ანგარიშსწორების ფორმით, ლარში, ფაქტურად შესრულებული სამუშაოს მოცულობის შესაბამისად, ხელშეკრულებით გათვალისწინებულ რეკვიზიტებზე.
- 6.2. ანგარიშსწორების მიზნით, მიმწოდებელი ვალდებულია, შემსყიდველს სულ მცირე ყოველთვიურად წარუდგინოს ფაქტობრივად შესრულებული სამუშაოების მთლიანი ღირებულება საანგარიშო პერიოდისა და ნაზარდი ჯამის მითითებით. მიმწოდებელი არ არის შეზღუდული საანგარიშო პერიოდში წარმოადგინოს რამდენიმე შესრულება.
- 6.3. ანგარიშსწორება ხორციელდება ფაქტობრივად შესრულებული სამუშაოებისა და შემსყიდველის უფლებამოსილი წარმომადგენლ(ებ)ის მიერ დადასტურებული მოცულობების მიხედვით, შესაბამისი მიღება-ჩაბარების აქტის საფუძველზე. ანგარიშსწორება განხორციელდება მიღება-ჩაბარების აქტის გაფორმებიდან და საგადასახადო ანგარიშ-ფაქტურის დადასტურებიდან (რომელიც უფრო გვიან დადგება) 10 სამუშაო დღის განმავლობაში.
- 6.4. სამუშაოების საბოლოო მიღება-ჩაბარებით განსაზღვრული ანგარიშსწორება განხორციელდება საბოლოო მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.
- 6.5. საბოლოო ანგარიშსწორება, ხელშეკრულებით გათვალისწინებული გამოქვითვების გამოკლებით, განხორციელდება სსიპ ლ. სამხარაულის სასამართლო ექსპერტიზის ეროვნული ბიუროს ან ნებისმიერი აკრედიტებული საექსპერტო ორგანიზაციის დასკვნით განსაზღვრული მოცულობების მიხედვით, მაგრამ არაუმეტეს ხელშეკრულების ჯამური ღირებულებისა. იმ შემთხვევაში, თუ შემსყიდველს ფაქტობრივად უკვე გადახდილი ექნება საექსპერტო ორგანიზაციის დასკვნით განსაზღვრული მოცულობების ღირებულებაზე მეტი ოდენობის თანხა, მიმწოდებელი ვალდებულია მოთხოვნიდან 5 (ხუთი) სამუშაო დღის განმავლობაში დააბრუნოს სხვაობა, წინააღმდეგ შემთხვევაში, მოცემული თანხა გამოიქვითება ხელშეკრულების მე-12 მუხლით გათვალისწინებული ხელშეკრულების შესრულების უზრუნველყოფის საბანკო გარანტიიდან.
- 6.6. ყოველი ანგარიშსწორებისას გადასახდელი თანხიდან განხორციელდება დაქვითვები 6.8.7. (ავანსის დაქვითვა), 7.5. (ხარისხის უზრუნველყოფის გარანტია) და 9.5. (ადმინისტრაციული სახდელი) პუნქტების პირობების გათვალისწინებით.
- 6.7. იმ შემთხვევაში, თუ ანგარიშსწორების მომენტისათვის, მიმწოდებელს უფიქსირდება თანხობრივი ვალდებულებები შემსყიდველის წინაშე (გადაუხდელი პირგასამტეხლო), შემსყიდველი უფლებამოსილია გამოქვითოს აღნიშნული თანხა გადასახდელი ოდენობიდან.
- 6.8. წინასწარი ანგარიშსწორების პირობები:
- 6.8.1. მიმწოდებელი უფლებამოსილია შემსყიდველს წარუდგინოს წერილობითი მოთხოვნა წინასწარი ანგარიშსწორების თანხის (ავანსის) გადახდის თაობაზე, რომლის ოდენობა არ უნდა აღემატებოდეს ხელშეკრულების ღირებულების 10%.
- 6.8.2. მიმწოდებელი არ არის უფლებამოსილი შემსყიდველს წარუდგინოს წერილობითი მოთხოვნა ავანსის გადახდის თაობაზე, თუ იგი რეგისტრირებულია მოვალეთა რეესტრში, მის მიმართ რეგისტრირებულია ყადაღა/აკრძალვა ან/და საგადასახადო გირავნობა/იპოთეკის უფლება,

ასევე, თუ გააჩნია სახელმწიფო ბიუჯეტის წინაშე დავალიანება. მიმწოდებელი ვალდებულია შემსყიდველს წარუდგინოს ზემოაღნიშნული პირობების არარსებობის დამადასტურებელი შესაბამისი ოფიციალური დოკუმენტები.

- 6.8.3.** შემსყიდველის მიერ ავანსის გადახდის თაობაზე დადებითი გადაწყვეტილების მიღების შემთხვევაში, მიმწოდებელი ვალდებულია წარმოადგინოს საქართველოს კანონმდებლობის შესაბამისად ლიცენზირებულ საბანკო/სადაზღვევო დაწესებულების მიერ გაცემული წინასწარი ანგარიშსწორების (საავანსო) საბანკო გარანტია, მოთხოვნილი თანხის იდენტურ ოდენობაზე. შესაძლებელია ასევე წარმოდგენილ იქნას უცხო ქვეყნის საბანკო დაწესებულების მიერ გაცემული საავანსო საბანკო გარანტია, რომელიც გადაზღვეული იქნება საქართველოს ეროვნული ბანკის მიერ ლიცენზირებული საბანკო დაწესებულების მიერ. საავანსო საბანკო გარანტიის მოქმედების ვადა 30 კალენდარული დღით უნდა აღემატებოდეს ხელშეკრულების მოქმედების ვადას.
- 6.8.4.** ავანსის გადახდა განხორციელდება ზემოაღნიშნული საავანსო საბანკო გარანტიის შემსყიდველისათვის წარდგენიდან 10 სამუშაო დღის განმავლობაში.
- 6.8.5.** საავანსო საბანკო გარანტია უნდა იყოს უპირობო და შემსყიდველს უფლებას აძლევდეს, საავანსო საბანკო გარანტიის გამცემი დაწესებულებისგან პირველივე მოთხოვნისთანავე, შემსყიდველის მხრიდან ყოველგვარი დასაბუთებისა და დოკუმენტაციის წარდგენის გარეშე, მიიღოს საავანსო საბანკო გარანტიით განსაზღვრული შესაბამისი თანხა.
- 6.8.6.** იმ შემთხვევაში, თუ მიმწოდებელი რეგისტრირებულია კეთილსინდისიერ მიმწოდებელთა რეესტრში ე.წ. „თეთრ სიაში“, მიმწოდებელი უფლებამოსილია შემსყიდველს წარუდგინოს საავანსო საბანკო გარანტია გასაცემი ავანსის ნახევრის ოდენობაზე. აღნიშნულ შემთხვევაში, თავდაპირველად განხორციელდება არაუზრუნველყოფილი საავანსო თანხის სრულად დაქვითვა.
- 6.8.7.** ავანსად გადარიცხული თანხის დაქვითვა მოხდება ეტაპობრივად, კერძოდ, მიმწოდებელს შესრულებული სამუშაოს ღირებულებიდან დაუკავდება თანხის ის პროცენტული ოდენობა, ხელშეკრულების ღირებულების რა პროცენტზე მიღებული აქვს ავანსად.
- 6.8.8.** იმ შემთხვევაში, თუ ხელშეკრულებით გათვალისწინებული პირობების შესაბამისად, ხელშეკრულება შეწყდა ვადაზე ადრე ან/და მიმწოდებელი ხელშეკრულებით გათვალისწინებულ ვადაში ვერ უზრუნველყოფს სამუშაოს შესრულებას და მხარეები ვერ თანხმდებიან ამ ვადის გაგრძელებაზე, მიმწოდებელი ვალდებულია შესაბამისი შეტყობინების მიღებიდან არაუგვიანეს 5 სამუშაო დღის ვადაში, დააბრუნოს წინასწარ ავანსის სახით გადარიცხული თანხიდან დაუქვითავი ნაწილი (იგივე ვალდებულება ვრცელდება „თეთრ სიაში“ რეგისტრირებულ მიმწოდებელზე, როგორც არაუზრუნველყოფილ, ასევე, უზრუნველყოფილ საავანსო თანხაზე), წინააღმდეგ შემთხვევაში, შემსყიდველი უფლებამოსილია მიმართოს საავანსო საბანკო გარანტიის გამცემ დაწესებულებას შესაბამისი თანხის დაბრუნების თაობაზე.
- 6.9.** შემსყიდველი უფლებამოსილია, ხოლო მიმწოდებელი თანახმაა ხელშეკრულების 9.3 პუნქტით დაკისრებული პირგასამტეხლო (ასეთის არსებობის შემთხვევაში) გამოქვითოს ყოველი მიღება-ჩაბარების აქტის შესაბამისი, მიმწოდებელზე გადასარიცხი თანხიდან.
- 6.10.** ხარჯთაღრიცხვაში ასახული გაუთვალისწინებელი სამუშაოების თანხების ხარჯვა მიმწოდებლის მიერ მოხდება მხოლოდ აუცილებლობიდან გამომდინარე, შემსყიდველთან წინასწარი შეთანხმებით.
- 6.11.** საქართველოს კანონმდებლობით გათვალისწინებული ყველა გადასახადის გადახდაზე პასუხისმგებელია მიმწოდებელი.

7. საგარანტიო პირობები და ვადები

- 7.1.** მიმწოდებელი იძლევა გარანტიას, რომ შესრულებული სამუშაო იქნება ხარისხიანი, სწორი ექსპლუატაციის პირობებში არ გამოავლენს დეფექტს და შეესაბამება სამუშაოს შესრულების ტექნიკურ პირობებს.
- 7.2.** შესრულებული სამუშაოს საგარანტიო ვადა შეადგენს 1 (ერთი) წელს, შემსყიდველისა და მიმწოდებლის უფლებამოსილი პირების მიერ სამუშაოების საბოლოო მიღება-ჩაბარების აქტის გაფორმების თარიღიდან.
- 7.3.** შემსყიდველის მხრიდან, საგარანტიო ვალდებულების შესრულების საჭიროების თაობაზე, შეტყობინების მიღებიდან 10 კალენდარული დღის განმავლობაში, მიმწოდებელი ვალდებულია საკუთარი ხარჯებით აღმოფხვრას ყველა გამოვლენილი დეფექტი/გაუმართაობა. იმ შემთხვევაში თუ დეფექტ(ებ)ის/გაუმართაობ(ებ)ის სირთულიდან გამომდინარე, მის აღმოსაფხვრელად საჭიროა მეტი ვადა, მიმწოდებელმა 10 დღიანი ვადის გასვლამდე შემსყიდველთან უნდა შეათანხმოს მოცემული ვადის გაგრძელების საკითხი. ნებისმიერ შემთხვევაში დეფექტ(ებ)ის/გაუმართაობ(ებ)ის აღმოფხვრის ვადა არ შეიძლება აღემატებოდეს 30 კალენდარულ დღეს, შემსყიდველის მხრიდან, საგარანტიო ვალდებულების შესრულების საჭიროების თაობაზე, შეტყობინების მიღების დღიდან. ზემოაღნიშნული ვადების დარღვევის შემთხვევაში, მიმწოდებელს პირგასამტეხლოს სახით დაერიცხება ხელშეკრულების ღირებულების 0.05% ყოველი ვადაგადაცილებული დღისათვის, რომელიც, მოთხოვნიდან 5 (ხუთი) სამუშაო დღეში გადაუხდელობის შემთხვევაში, დაიქვითება 7.5. პუნქტის თანახმად დაკავებული თანხიდან.
- 7.4.** თუ საგარანტიო ვადის ამოწურვის მომენტისათვის შემსყიდველს მიმწოდებლისთვის გაგზავნილი აქვს საგარანტიო ვალდებულების შესრულების საჭიროების შეტყობინება ან თუ მოცემულ დროს წარმოებს გამოვლენილი დეფექტ(ებ)ის/გაუმართაობ(ებ)ის აღმოფხვრის სამუშაოები, შესრულებული სამუშაოს საგარანტიო ვადა გაგრძელდება შესაბამისი დეფექტ(ებ)ის/გაუმართაობ(ებ)ის აღმოფხვრამდე.
- 7.5.** შესრულებული სამუშაოების ხარისხის დაცვის მიზნით, შემსყიდველის მიერ ყოველი შესრულებული სამუშაოს ღირებულებიდან დაკავებული იქნება ამ სამუშაოს ღირებულების 5%. აღნიშნული თანხის ნახევარი (2.5%) მიმწოდებელს აუნაზღაურდება დეფექტებზე პასუხისმგებლობის პირველი პერიოდის, 6 თვის, გასვლის შემდეგ, ხოლო მეორე ნახევარი (2.5%) - დეფექტებზე პასუხისმგებლობის მთლიანი პერიოდის, 1 წლის, გასვლის შემდეგ. ამასთან, ორივე შემთხვევაში, ანაზღაურება მოხდება მხოლოდ მას შემდეგ, რაც შემსყიდველი უფლებამოსილი წარმომადგენელი დამოწმებს, რომ მიმწოდებლის მიერ გასწორებულია ყველა აღმოჩენილი დეფექტი (ასეთის არსებობის შემთხვევაში), ამ მუხლით განსაზღვრულ პასუხისმგებლობის პერიოდ(ებ)ის დასრულებამდე.
- 7.6.** იმ შემთხვევაში, თუ ნებისმიერი მიზეზით, მიმწოდებელი ვერ/არ უზრუნველყოფს საგარანტიო პერიოდში გამოვლენილი დეფექტ(ებ)ის/გაუმართაობ(ებ)ის აღმოფხვრას, სამუშაოს ხარისხის დაცვის მიზნით შესაბამისი ეტაპისთვის დაკავებული თანხა, პირგასამტეხლოს სახით, მთლიანად რჩება შემსყიდველს.
- 7.7.** თუ 7.6. პუნქტში აღნიშნული დეფექტ(ებ)ის/გაუმართაობ(ებ)ის აღმოფხვრისათვის საჭირო თანხა აღემატება სამუშაოს ხარისხის დაცვის მიზნით დაკავებულ თანხას, შემსყიდველი უფლებამოსილია, დამატებით მოსთხოვოს მიმწოდებელს აღნიშნული სხვაობის ანაზღაურება საქართველოს კანონმდებლობით დადგენილი წესით.
- 7.8.** შემსყიდველი უფლებამოსილია, საგარანტიო პერიოდის განმავლობაში, გადაუხადოს მიმწოდებელს სამუშაოს ხარისხის დაცვის მიზნით დაკავებული თანხა, იმ შემთხვევაში, თუ მიმწოდებელი წარმოადგენს საქართველოს კანონმდებლობის შესაბამისად ლიცენზირებულ საბანკო/სადაზღვევო დაწესებულების მიერ გაცემულ საბანკო გარანტიას, დაკავებული თანხის იდენტურ ოდენობაზე (შესაძლებელია ასევე წარმოდგენილ იქნას უცხო ქვეყნის საბანკო დაწესებულების მიერ გაცემული საბანკო გარანტია, რომელიც გადაზღვეული იქნება საქართველოს ეროვნული ბანკის მიერ ლიცენზირებული საბანკო დაწესებულების მიერ). ამასთან, შემსყიდველის უფლებამოსილი წარმომადგენელი უნდა ადასტურებდეს, მოცემული მომენტისთვის, შესრულებულ სამუშაოზე დეფექტ(ებ)ის/გაუმართაობ(ებ)ის არარსებობას.
- 7.9.** 7.8. პუნქტით გათვალისწინებული საბანკო გარანტია უნდა იყოს უპირობო და შემსყიდველს უფლებას აძლევდეს, საბანკო გარანტიის გამცემი დაწესებულებისგან პირველივე მოთხოვნისთანავე, შემსყიდველის მხრიდან ყოველგვარი დასაბუთებისა და დოკუმენტაციის წარდგენის გარეშე, მიიღოს საბანკო გარანტიით განსაზღვრული სრული თანხა. აღნიშნული საბანკო გარანტიის მოქმედების ვადა სულ მცირე 60 კალენდარული დღით უნდა აღემატებოდეს შესრულებული სამუშაოს საგარანტიო ვადას.

8. ხელშეკრულების შეწყვეტა

- 8.1. ხელშეკრულების ერთ-ერთი მხარის მიერ ხელშეკრულების ვალდებულებ(ებ)ის შეუსრულებლობის ან არაჯეროვანი შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.
- 8.2. ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს ხელშეკრულებით განსაზღვრული სხვა პირობების შესრულებისაგან.
- 8.3. ხელშეკრულების შეწყვეტა ურთიერთშეთანხმების საფუძველზე ხორციელდება მხარეთა შორის დანართის გაფორმების გზით.
- 8.4. შემსყიდველი უფლებამოსილია, ვადამდე, ცალმხრივად შეწყვიტოს ეს ხელშეკრულება თუ:
- 8.4.1. მიმწოდებელი არღვევს (არ ასრულებს ან არაჯეროვნად ასრულებს) ხელშეკრულებით განსაზღვრულ ვალდებულებას/ვალდებულებებს;
 - 8.4.2. მიმწოდებლის მიმართ მიმდინარეობს გაკოტრების ან გადახდისუუნარობის საქმისწარმოება (მოუხედავად მისი დაწყების დროისა);
 - 8.4.3. მიმწოდებლის ქონებას დაედო ყადაღა, თუ ეს გარემოება ზეგავლენას ახდენს ან შესაძლებელია, ზეგავლენა მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;
 - 8.4.4. მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია, მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;
 - 8.4.5. ამოიწურა ხელშეკრულებაზე თანდართული ხელშეკრულების შესრულების უზრუნველყოფის საბანკო გარანტიით განსაზღვრული ვადა და მიმწოდებელმა შემსყიდველს არ წარუდგინა ახალი საბანკო გარანტია;
 - 8.4.6. მიმწოდებელმა განმეორებით დაარღვია ხელშეკრულებაზე თანდართული სამუშაოების შესრულების გეგმა-გრაფიკი;
 - 8.4.7. მიმწოდებლის მიმართ დაკისრებული პირგასამტეხლოს ოდენობამ გადააჭარბა ხელშეკრულების ღირებულების 5%-ს;
 - 8.4.8. ხელშეკრულების გაფორმების შემდეგ შემსყიდველისათვის ცნობილი გახდა, რომ მიმწოდებელმა ხელშეკრულების დადების მიზნით ჩაიდინა არაკეთილსინდისიერი ქმედება;
 - 8.4.9. საქართველოს კანონმდებლობით გათვალისწინებულ სხვა შემთხვევებში.
- 8.5. შემსყიდველის მიერ ხელშეკრულების ცალმხრივად შეწყვეტის შემთხვევაში, შემსყიდველი უფლებამოსილია, ამოქმედოს ხელშეკრულების მე-12 მუხლში განსაზღვრული ხელშეკრულების შესრულების უზრუნველყოფის საბანკო გარანტია სრული ოდენობით. ამ შემთხვევაში საბანკო გარანტიის ამოქმედება მიმწოდებელს არ ათავისუფლებს შემსყიდველისთვის მიყენებული ზიანის ანაზღაურების ვალდებულებისგან.

9. მხარეთა პასუხისმგებლობა

- 9.1. მხარეები კისრულობენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზიანი, კანონმდებლობით დადგენილი წესით.
- 9.2. შემსყიდველი კისრულობს პასუხისმგებლობას ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს გადასახდელი თანხის 0.07 პროცენტი ყოველი ვადაგადაცილებული დღისათვის.
- 9.3. მიმწოდებელი კისრულობს პასუხისმგებლობას სამუშაოს შესრულების ვადებით გათვალისწინებული, საბოლოო ვადის დარღვევის შემთხვევაში, პირგასამტეხლოს სახით შემსყიდველს გადაუხადოს შეუსრულებელი სამუშაოს ღირებულების 0.5 პროცენტი ყოველი ვადაგადაცილებული დღისათვის.
- 9.4. მხარეები თავისუფლდებიან პასუხისმგებლობისაგან, თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან შემსყიდველის მხრიდან სამუშაოების შეჩერების მოთხოვნით.
- 9.5. მიმწოდებლის მიერ ჩადენილი საქართველოს ადმინისტრაციული სამართალდარღვევათა კოდექსით გათვალისწინებული სამართალდარღვევისათვის, შემსყიდველისათვის დაკისრებული ადმინისტრაციული სახდელისათვის პასუხისმგებლობა ეკისრება მიმწოდებელს.

10. ფორს-მაჟორი

- 10.1. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუღევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა მსგავსი გარემოებით.
- 10.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, ვალდებულია დაუყოვნებლივ, მაგრამ არაუგვიანეს 3 სამუშაო დღისა, აცნობოს მეორე მხარეს ნაკისრი ვალდებულების შეუსრულებლობის შესახებ, სათანადო მიზეზების მითითებით. მოცემულ ვადაში შეუტყობინებლობის შემთხვევაში მიმწოდებელი კარგავს უფლებას დაეყრდნოს ფორს-მაჟორული გარემოების არსებობას, როგორც პასუხისმგებლობისაგან გათავისუფლების საფუძველს. ფორს-მაჟორის ფაქტი და მისი მიზეზ-შედეგობრივი კავშირი ვალდებულების შეუსრულებლობასთან უნდა დადასტურდეს დოკუმენტალურად.
- 10.3. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

11. სადაო საკითხების გადაწყვეტა

- 11.1. მხარეთა შორის წარმოშობილი სადაო საკითხები უნდა გადაწყდეს მხარეთა შეთანხმებით. შეუთანხმებლობის შემთხვევაში ნებისმიერ მხარეს შეუძლია მიმართოს სასამართლოს, საქართველოს კანონმდებლობით დადგენილი წესით.

12. ხელშეკრულების შესრულების უზრუნველყოფის საბანკო გარანტია

- 12.1. ხელშეკრულებაში გამოყენებულია მიმწოდებლის მხრიდან ხელშეკრულების შესრულების უზრუნველყოფის საბანკო გარანტია მთლიანი სახელშეკრულებო თანხის **5%-ის** ოდენობით, რომლის ვადა მინიმუმ 60 (სამოცი) დღით აღემატება ხელშეკრულების მოქმედების ვადას.
- 12.2. საბანკო გარანტია წარმოდგენილი უნდა იყოს საქართველოს კანონმდებლობის შესაბამისად ლიცენზირებულ საბანკო/სადაზღვევო დაწესებულებიდან. შესაძლებელია ასევე წარმოდგენილ იქნას უცხო ქვეყნის საბანკო დაწესებულების მიერ გაცემული საბანკო გარანტია, რომელიც გადაზღვეული იქნება საქართველოს ეროვნული ბანკის მიერ ლიცენზირებული საბანკო დაწესებულების მიერ.
- 12.3. საბანკო გარანტია უნდა იყოს უპირობო და შემსყიდველს უფლებას აძლევდეს, საბანკო გარანტიის გამცემი დაწესებულებისგან პირველივე მოთხოვნისთანავე, შემსყიდველის მხრიდან ყოველგვარი დასაბუთებისა და დოკუმენტაციის წარდგენის გარეშე, მიიღოს საბანკო გარანტიით განსაზღვრული სრული თანხა.
- 12.4. ხელშეკრულების შესრულების უზრუნველყოფის საბანკო გარანტია გამოიყენება მიმწოდებლის მიერ ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების რისკის თავიდან ასაცილებლად, ასევე, აღნიშნული ქმედებით გამოწვეული ნებისმიერი ზიანის ანაზღაურების მიზნით. აღნიშნულის გათვალისწინებით, ხელშეკრულების შესრულების უზრუნველყოფის საბანკო

- გარანტიით განსაზღვრული თანხის შემცირება არ განხორციელდება ხელშეკრულებით თანახმად დაკისრებული პირგასამტეხლობის თანხის პროპორციულად, პირგასამტეხლოს გადახდას (ასეთის არსებობის შემთხვევაში) მიმწოდებელი უზრუნველყოფს დამატებით.
- 12.5.** მიმწოდებლის მიერ ხელშეკრულებით ნაკისრი ვალდებულების სრულად შესრულების და შემსყიდველის მიერ ამ შესრულების მიღების შემდეგ, ასევე, ფორს-მაჟორული გარემოებების გამო ხელშეკრულების შეწყვეტის შემთხვევაში, შემსყიდველი ვალდებულია დაუბრუნოს მიმწოდებელს ხელშეკრულების შესრულების უზრუნველყოფის საბანკო გარანტია.
- 12.6.** მიმწოდებლის მიერ ხელშეკრულების შეწყვეტის შემთხვევაში, შემსყიდველი უფლებამოსილია ამოქმედოს ხელშეკრულების შესრულების უზრუნველყოფის საბანკო გარანტია.
- 12.7.** შემსყიდველის მიერ, ხელშეკრულების 8.4. მუხლით გათვალისწინებულ შემთხვევაში ხელშეკრულების ცალმხრივად შეწყვეტისას, შემსყიდველი უფლებამოსილია მიმართოს საბანკო გარანტიის გამცემ დაწესებულებას საბანკო გარანტიით გათვალისწინებული თანხის სრულად გამოთხოვის თაობაზე. ამ შემთხვევაში მიმწოდებელი არ თავისუფლდება შემსყიდველისათვის მიყენებული ზიანის ანაზღაურებისაგან, იმ სხვაობის ფარგლებში, რითაც აღემატება მიყენებული ზიანი ხელშეკრულების შესრულების უზრუნველყოფის საბანკო გარანტიის ოდენობას.
- 12.8.** ხელშეკრულების მოქმედების ვადის გაგრძელების შემთხვევაში, მიმწოდებელი ვალდებულია წარმოადგინოს ვადაგაგრძელებული ან ახალი საბანკო გარანტია, რომელიც 60 დღით უნდა აღემატებოდეს ხელშეკრულების გაგრძელებულ ვადას. იმ შემთხვევაში, თუ მიმწოდებელი არსებული საბანკო გარანტიის ვადის გასვლამდე 30 კალენდარული დღით ადრე არ ან ვერ უზრუნველყოფს ვადაგაგრძელებული ან ახალი საბანკო გარანტიის წარმოდგენას, შემსყიდველი უფლებამოსილია მიმართოს საბანკო გარანტიის გამცემ დაწესებულებას საბანკო გარანტიით გათვალისწინებული თანხის სრულად გამოთხოვის თაობაზე.

13. ქვეკონტრაქტორთან დაკავშირებული პირობები

- 13.1.** მიმწოდებელს არ აქვს უფლება შემსყიდველის თანხმობის გარეშე სამუშაოები ან მისი ნაწილი გადასცეს ქვეკონტრაქტორს. ამასთან, დაუშვებელია ქვეკონტრაქტორს გადაეცეს მთლიანი სამუშაოების ღირებულებითი მოცულობის 40%-ზე მეტი.
- 13.2.** ხელშეკრულებით განსაზღვრული შესაბამისი სამუშაოს ქვეკონტრაქტორზე გადაცემით მიმწოდებელი არ თავისუფლდება ხელშეკრულებით ნაკისრი ვალდებულებებისგან და აღნიშნულ სამუშაოზე შემსყიდველის წინაშე პასუხისმგებელია მიმწოდებელი.

14. ხელშეკრულებაში ცვლილებების შეტანა

- 14.1.** ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 14.2.** დაუშვებელია ხელშეკრულებაში იმგვარი ცვლილებების შეტანა, რომლის შედეგადაც იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 14.3.** საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ღირებულების 10%-ზე მეტი ოდენობით გაზრდა.
- 14.4.** ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

15. ხელშეკრულების სხვა პირობები

ხელშეკრულების არც-ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

16. ხელშეკრულების მოქმედების ვადა

ხელშეკრულება ძალაშია მისი ხელმოწერის დღიდან და მოქმედებს 2019 წლის 30 სექტემბრის ჩათვლით.

17. მხარეთა რეკვიზიტები

„შემსყიდველი“
შპს „საქართველოს მელიორაცია“
მის: თბილისი, გ. გულუას ქუჩა N6
ტელ: (995 32) 2 48 01 00.
სს თბილისი ბანკი
ა/ა GE42TB7484736020100003; ბანკის კოდი: TBCBGE22
საიდენტიფიკაციო კოდი: 204524568

„მიმწოდებელი“
შპს „იო-სება“
მის: ქ. თბილისი, ქ. შარტავას ქ., N14ა, ბ. 5
ტელ: (995 577) 07 08 04.
სს საქართველოს ბანკი
ა/ა GE08BG0000000788515800; ბანკის კოდი: BAGAGE22
საიდენტიფიკაციო კოდი: 404984326

„შემსყიდველი“
შპს „საქართველოს მელიორაცია“

ოთარ შამუგია
გენერალური დირექტორი

„მიმწოდებელი“
შპს „იო-სება“

სოსო ქავთარაძე
დირექტორი

საბანკო გარანტია N BG/PB - 7081/04

ქ. თბილისი

გარანტი: სს "სადაზღვევო კომპანია ალდაგი", საიდენტიფიკაციო კოდი 404476189

პრინციპალი: შპს "იო-სება"; საქართველო; თბილისი; ქ. შარტავას ქუჩა, #14ა; ბინა #5; საიდენტიფიკაციო კოდი: 404984326

ბენეფიციარი: შპს "საქართველოს მელიორაცია", საიდენტიფიკაციო კოდი 204524568

"ბენეფიციარი"-სა და "პრინციპალი"-ს შორის ფორმდება სახელმწიფო შესყიდვის შესახებ ხელშეკრულება, რომელიც ითვალისწინებს ლაგოდეხის სარწყავი სისტემის მაგისტრალური არხის მონაკვეთის (პკ5+15-პკ10+59) რეაბილიტაციის (II ეტაპი) სამუშაოებს (NAT190001518).

ზემოაღნიშნულ ფაქტთან დაკავშირებით სახელმწიფო შესყიდვების შესახებ კანონის მოთხოვნის შესაბამისად, "გარანტი" იღებს უპირობო და გამოუთხოვად ვალდებულებას ყოველგვარი უარყოფისა და გასაჩივრების უფლების გარეშე, "ბენეფიციარი"-ს პირველივე წერილობითი მოთხოვნის წარდგენიდან მომდევნო 5 (ხუთი) სამუშაო დღის ვადაში, "ბენეფიციარი"-ს მხრიდან ყოველგვარი დასაბუთებისა და დოკუმენტაციის წარდგენის გარეშე, გადაუხადოს "ბენეფიციარ"-ს თანხა 13,499.95 (ცამეტი ათას ოთხას ოთხმოცდაცხრამეტი და 0.95) ლარის ფარგლებში, თუ "პრინციპალ"-მა არ შეასრულა "ბენეფიციარ"-თან გაფორმებული სახელმწიფო შესყიდვების შესახებ ხელშეკრულებით ნაკისრი ვალდებულებები.

ანაზღაურებაზე მოთხოვნა "ბენეფიციარი"-ს მიერ წარმოდგენილი უნდა იქნეს წერილობითი ფორმით, სადაც მიეთითება მოთხოვნილი თანხა და ის გარემოება, თუ რაში გამოიხატა პრინციპალის მიერ ძირითადი ვალდებულების დარღვევა, რომლის უზრუნველსაყოფადაც გაიცა საბანკო გარანტია.

გარანტიის მოქმედების ვადაა 2019 წლის 22 აპრილიდან 2019 წლის 30 ნოემბრის ჩათვლით.

საბანკო გარანტიის მოქმედება წყდება: 1. ვადის გასვლით; 2. გარანტიით გათვალისწინებული გადასახდელების "ბენეფიციარი"-სათვის გადახდით; 3. "ბენეფიციარი"-ს მიერ თავის უფლებებზე წერილობითი ფორმით უარის თქმით და გარანტისათვის საბანკო გარანტიის დაბრუნებით.

წინამდებარე გარანტიის გაცემის საფუძველია გარანტსა და პრინციპალს შორის 2018 წლის 21 დეკემბერს გაფორმებული გენერალური ხელშეკრულება საგარანტიო მომსახურებაზე N BG/PB/GA – 6915/12

სს "სადაზღვევო კომპანია ალდაგი"
გენერალური დირექტორი  გიორგი ბაკრაშვილი



ნაკრები სატენდერო სახარჯთაღრიცხვო გაანგარიშება				
ლაგოდების სარწყავი სისტემის მაგისტრალური არხის მონაკვეთის 10+59) რეაბილიტაცია (II ეტაპი)				(პკ 5+15.0÷პკ
სატენდერო სახარჯთაღრიცხვო ღირებულება				
№	ლოკალიზაცია	ობიექტის სამუშაოების და დანახარჯების დასახელება		ღირებულება
1	2	3		4
		თ. II მშენებლობის ძირითადი ობიექტები		222148.26
	№1	მაგისტრალური არხის ნაწილის მოპირკეთება მართკუთხა კვეთის მონოლითური რკ/ბეტონის ღარი (ლ=544.67მ)		
		ჯამი		222148.26
		გაუთვალისწინებელი სამუშაოები	3%	6664.448
		ჯამი		228812.71
		დღგ	18%	41186.29
		სულ ობიექტის სახარჯთაღრიცხვო ღირებულება		269999.00

შპს "იო-სება"-ს დირექტორი: სოსო ქავთარაძე

ლაგოდების სარწყავი სისტემის მაგისტრალური არხის მონაკვეთის (პკ 5+15.0÷ პკ 10+59) რეაბილიტაცია (II ეტაპი)

სატენდერო ხარჯთაღრიცხვა №1

მაგისტრალური არხის ნაწილის მოპირკეთება მართკუთხა კვეთის მონოლითური რკ/ბეტონის ღარიტ (L=544.67მ)

№	სამუშაოთა დასახელება	განზ.	რაოდენობა	ერთ ფასი	სულ თანხა
1	2	3	4	5	6
1	საშუალო სიხშირის ბუჩქნარის გაკაფვა, გატანა 50მ-მდე და დაწვა	ჰა	0.7	500	350
2	არსებული ბოგირის ფილების (1 ცალის წონა -2.4ტ) დემონტაჟი (9ცალი)	მ3	9.0	50.00	450
3	დემონტირებული ფილების (წონით 2.4ტ) დატვირთვა ა/თვითმცლელზე	მ3	9.0	50.00	450
4	საავტომობილო გადასასვლელზე არსებული ფილების (1 ცალის წონა - 6.6ტ) დემონტაჟი (6ცალი)	მ3	16.5	50.00	825
5	დემონტირებული ფილების (წონით 6.6ტ) დატვირთვა ა/თვითმცლელზე	მ3	16.5	50.00	825
6	დემონტირებული ფილების ზიდვა ნაყარში 5 კმ-ზე	ტ	61.2	5.00	306
7	პკ 4+50.10-ზე არსებული ბოგირის ფილის (1 ცალის წონა - 1.2ტ) დემონტაჟი და ადგილზე დასაწყობება	მ3	0.5	50.00	25

8	არსებულ საავტომობილო გადასასვლელზე ასფალტის ფენის მონგრევა, სისქით 4სმ	მ3	3.0	50.00	150
9	ასფალტის ნარჩენების დატვირთვა ა/თვითმცლელზე ხელით	მ3	3.0	5.00	15
10	ასფალტის ნარჩენების ზიდვა ნაყარში 5 კმ-ზე	ტ	6.6	5.00	33
11	არხის არსებული ბეტონის მოპირკეთების მონგრევა	მ3	280.0	25.00	7000
12	ბეტონის ნარჩენების დატვირთვა ა/თვითმცლელზე ექსკავატორით	მ3	280.0	5.00	1400
13	სამშენებლო ნაგვის გატანა ავტოთვითმცლელებით 5კმ-ზე	ტ	672.0	5.00	3360
14	III კატ. გრუნტის დამუშავება ექსკავატორით არხის ფსკერის და ფერდის მოსასწორებლად, გრუნტის გვერდზე დაყრით	მ3	570.0	5.00	2850
15	III კატ. გრუნტის დამუშავება ხელით არხის ფსკერის და ფერდის მოსასწორებლად, გრუნტის გვერდზე დაყრით	მ3	50.0	5.00	250
16	მოსამზედებელი ფენის მოწყობა ღორღით სისქით 10 სმ.	მ3	140.0	25.00	3500
17	მოსამზედებელი ფენის მოწყობა ბეტონით B-7.5 სისქით 10 სმ.	მ3	95.4	182.50	17410.5
18	არხის ბეტონით მოპირკეთებისთვის კარკასის მოწყობა არმატურით A-III				

	არმატურა A-I d=6მმ	ტ	1.492	2200.00	3282.4
	არმატურა A-III d=8მმ	ტ	8.584	2200.00	18884.8
	არმატურა A-III d=10მმ	ტ	16.929	2200.00	37243.8
19	ღარის მონოლითური ბეტონის ძირის მოწყობა ბეტონით B-22.5, F-200, W-6.	მ3	327.0	190.00	62130
20	ღარის მონოლითური ბეტონის კედლების მოწყობა ბეტონით B-22.5, F-200, W-6.	მ3	152.5	190.00	28975
21	მოპირკეთების სექციებს შორის ნაკერების მოწყობა ბიტუმის გაჟღენთილი ფიცრით	გრძ.მ	108.0	7.8446	847.2168
22	ჰიდროიზოლაციის მოწყობა კედლის უკანა ზედაპირზე, ორ ფენად	მ²	1035.0	10.00	10350
23	გვერდების უკან გრუნტის ჩაყრა ექსკავატორით	მ3	200.0	5.00	1000
24	მორჩენილი II კატ. გრუნტის დატვირთვა ა/თვითმცლელზე ექსკავატორით	მ3	420.0	2.00	840
25	გრუნტის გატანა ნაყარში 5 კმ-ზე	ტ	756.0	5.00	3780
	საასტომობილო გადასასვლელების და ბოგირის მოწყობა				
26	პკ 4+50.10-ზე III კატ. გრუნტის დამუშავება ხელით საყრდენი ბალიშების მოსაწყობად გვერდზე დაყრით	მ3	0.5	5.00	2.5

27	ამოღებული II კატ. გრუნტის დატვირთვა ა/თვითმცლელზე ხელით	მ3	0.4	5.00	2
28	გრუნტის გატანა ნაყარში 5 კმ-ზე	ტ	0.72	5.00	3.6
29	მორჩენილი გრუნტის მოსწორება ადგილზე	მ3	0.1	5.00	0.5
30	საყრდენი ბალიშების მოწყობა მონოლითური ბეტონით B-22.5, F-200, W-6.	მ3	0.4	190.00	76
31	პკ 4+50.1-ზე დემონტირებული ფილის მონტაჟი ბოგირის მოსაწყობად (1ცალი)	მ3	0.5	100.00	50
32	საავტომობილო გადასასვლელის მოწყობა (კ-1)	ც	3	3614.34	10843.02
33	საფეხმავლო ბოგირის მოწყობა (კ-2)	ც	9	515.33	4637.925
	ჯამი	ლარი			222148.26

შპს "იო-სება"-ს დირექტორი: სოსო ქავთარაძე

ლაგოდების სარწყავი სისტემის მაგისტრალური არხის მონაკვეთის (პკ 5+15.0÷პკ 10+59) რეაბილიტაცია (II ეტაპი)

კალკულაცია №1

საავტომობილო გადასასვლელის მოწყობა

№	სამუშაოთა დასახელება	განზ.	რაოდენობა	ერთ ფასი	სულ თანხა
1	2	3	4	5	6
1	III კატ. გრუნტის დამუშავება ექსკავატორით ქვაბულში გრუნტის ა/თვითმცლელზე დატვირთვით ბალიშების მოსაწყობად	მ3	1.0	5.00	5.00
2	III კატ. გრუნტის დამუშავება ხელით გრუნტის გვერდზე დაყრით ბალიშების მოსაწყობად	მ3	0.2	5.00	1.00
3	გრუნტის მოსწორება ადგილზე ხელით	მ3	0.2	5.00	1.00
4	გრუნტის გატანა ნაყარში 5 კმ-ზე	ტ	1.8	5.00	9.00
5	ჩასატანებელი დეტალების (12ცალი) მოწყობა საყრდენ ბალიშებში				
	ფოლადის ფურცელი 300x300x10მმ	ტ	0.23738	2200.00	522.24
	არმატურა A-III d=16მმ	ტ	0.01137	2200.00	25.01
6	საყრდენი ბალიშების მოწყობა მონოლითური ბეტონით B-20, F-200, W-6.	მ3	1.0	190.00	190.00
7	მონოლითური რკ/ბეტონის ფილის მოწყობა, ზომით 4.5X1.8X0.1მ ბეტონით B-22.5, F-200, W-6.	მ3	1.98	190.00	376.20

	არმატურა A-III d=8მმ	ტ	0.00366	2200.00	8.05
	არმატურა A-III d=12მმ	ტ	0.20552	2200.00	452.14
	არმატურა A-III d=14მმ	ტ	0.09982	2200.00	219.60
	არმატურა A-III d=18მმ	ტ	0.2408	2200.00	529.76
	არმატურა A-III d=32მმ	ტ	0.0419	2200.00	92.18
8	ჩასატანებული დეტალების მოწყობა გადასასვლელ ფილებში (12ც)				
	ფოლადის ფურცელი 300x300x10მმ	ტ	0.23738	2200.00	522.24
	არმატურა A-III d=16მმ	ტ	0.01137	2200.00	25.01
9	გადასასვლელი ფილების გამაერთიანებელი ნაკერის მოწყობა მონოლ. ბეტონით B-22.5, F-200, W-6.	მ3	0.36	190.00	68.40
10	პანდუსის მოწყობა მონოლითური ბეტონით B-20 F-200, W-6.	მ3	0.75	190.00	142.50
11	წვრილმარცვლოვანი ასფალტის ფენის საფარის მოწყობა სისქით 4 სმ	მ2	17.0	25.00	425.00
	ჯამი	ლარი			3614.34

შპს "იო-სება"-ს დირექტორი: სოსო ქავთარაძე

ლაგოდების სარწყავი სისტემის მაგისტრალური არხის მონაკვეთის (პკ 5+15.0÷ პკ 10+59) რეაბილიტაცია (II ეტაპი)

კალკულაცია №2

საფეხმავლო ზოგირის მოწყობა

№	სამუშაოთა დასახელება	განზ.	რაოდენობა	ერთ ფასი	სულ თანხა
1	2	3	4	5	6
1	III კატ. გრუნტის დამუშავება ხელით გრუნტის გვერდზე დაყრით ბალიშების მოსაწყობად	მ3	0.5	5.00	2.50
2	ამოღებული გრუნტის დატვირთვა ა/თვითმცლელზე ხელით	მ3	0.4	5.00	2.00
3	გრუნტის გატანა ნაყარში 5 კმ-ზე	ტ	0.72	5.00	3.60
4	მორჩენილი გრუნტის მოსწორება ადგილზე ხელით	მ3	0.1	5.00	0.50
5	საყრდენი ბალიშების მოწყობა მონოლითური ბეტონით B-20, F-200, W-6.	მ3	0.4	190.00	76.00
6	მონოლითური რკ/ბეტონის ფილის მოწყობა ზომით 4.5X1.5X0.1მ ბეტონით B-22.5, F-200, W-6.	მ3	0.675	190.00	128.25
	არმატურა A-III d=12მმ	ტ	0.084	2200.00	184.80
	არმატურა A-III d=32მმ	ტ	0.0159	2200.00	34.98
	კუთხოვანა 50*50*5მმ	ტ	0.0028	2200.00	6.16
7	მოაჯირის მოწყობა მილკვადრატით	ტ	0.0739	500.00	36.95
8	მოაჯირის შეღებვა ანტიკოროზიული საღებავით	ტ	0.0739	150.00	11.09
9	პანდუსის მოწყობა მონოლითური ბეტონით B-22.5, F-200, W-6.	მ3	0.15	190.00	28.50

	ჯამი	ლარი			515.33
--	------	------	--	--	--------

შპს "იო-სება"-ს დირექტორი: სოსო ქავთარაძე